

**REUNIÓN DA COMISIÓN 5ª, SANIDADE,
POLÍTICA SOCIAL E EMPREGO**

Día: 28.03.2019

Hora: 16:00

A Comisión 5ª, Sanidade, Política Social e Emprego, da que vostede forma parte, reunirse o próximo día 28 de marzo de 2019, ás 16:00 horas, no pazo do Parlamento.

A orde do día é a seguinte :

Punto 1. Comparecencia

- 1.1 45505 (10/CPC-000096)
Dirección Xeral de Relacións Institucionais e Parlamentarias
Do xerente do Servizo Galego de Saúde, por petición propia, para informar sobre a actividade do Sergas e os resultados da xestión a 31 de decembro de 2018
Publicación da iniciativa, BOPG n.º 430, do 13.02.2019

Punto 2. Preguntas

- 2.1 46792 (10/POC-007445)
Grupo Parlamentario de En Marea
Vázquez Verao, Paula e Villares Naveira, Luis
Sobre a valoración da Xunta de Galicia respecto dos resultados do Plan para a dinamización demográfica de Galicia 2013-2016, as razóns da demora e o prazo previsto para a presentación do proxecto de lei anunciado para o seu impulso, así como as actuacións que vai levar a cabo ao respecto
Publicación da iniciativa, BOPG n.º 442, do 07.03.2019
- 2.2 47292 (10/POC-007511)
Grupo Parlamentario do Bloque Nacionalista Galego
Prado Cores, María Montserrat e 5 máis
Sobre as actuación levadas a cabo e previstas polo Goberno galego para evitar a deterioración ou supresión do servizo público de axuda no fogar no concello de Forcarei, así como o seguimento e as inspeccións realizadas ao respecto
Publicación da iniciativa, BOPG n.º 444, do 13.03.2019
- 2.3 47350 (10/POC-007524)
Grupo Parlamentario dos Socialistas de Galicia
Toja Suárez, María Dolores e 2 máis
Sobre as razóns da idoneidade do concello de Malpica, fronte a outros concellos como o de Camariñas e Corcubión, para o posible asinamento polo Goberno galego dun convenio de colaboración para a construción dun

centro de día, así como as actuacións que vai levar a cabo para facilitar a
apertura do centro rematado no concello de Corcubión
Publicación da iniciativa, BOPG n.º 444, do 13.03.2019

O que lle comunico para o seu coñecemento e a súa convocatoria á devandita reunión.

Santiago de Compostela, 20 de marzo de 2019

Marta María Rodríguez-Vispo Rodríguez

Presidenta da Comisión

RELACIÓN DE MEMBROS DE COMISIÓN 5ª, SANIDADE, POLÍTICA SOCIAL E EMPREGO

POR ORDE ALFABÉTICA

Mesa

Presidenta	
Marta María Rodríguez-Vispo Rodríguez	P
Vicepresidente	
Miguel Ángel Tellado Filgueira	P
Secretaria	
María Montserrat Prado Cores	BNG

Vogais

María Encarnación Amigo Díaz	P
Noela Blanco Rodríguez	S
María Ángeles García Míguez	P
Aurelio Alfonso Núñez Centeno	P
Marta Rodríguez Arias	P
María Soraya Salorio Porral	P
Eva Solla Fernández	EM
Julio Torrado Quintela	S
Paula Vázquez Verao	EM

Reunión da Comisión 5ª, Sanidade, Política Social e Emprego

Día: 28.03.2019

Hora: 16:00

Orde do día

1. Comparecencia

Reunión da Comisión 5ª, Sanidade, Política Social e Emprego

Día: 28.03.2019

Hora: 16:00

Orde do día

1.1 45505(10/CPC-000096)

Dirección Xeral de Relacións Institucionais e Parlamentarias


Do xerente do Servizo Galego de Saúde, por petición propia,
para informar sobre a actividade do Sergas e os resultados da
xestión a 31 de decembro de 2018

Publicación da iniciativa, 430, 13.02.2019




XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Dirección Xeral de Relacións Institucionais
e Parlamentarias



galicia



Solicítolle, consonte o disposto no artigo 143 do Regulamento da Cámara, a comparecencia a petición propia -ante a Comisión 5ª Sanidade, Política Social e Emprego- do xerente do Servizo Galego de Saúde, para informar sobre **“a actividade do SERGAS e os resultados de xestión a 31 de decembro de 2018”**.

Santiago de Compostela,

A directora xeral de Relacións Institucionais e Parlamentarias

(ASINADO DIXITALMENTE)

Accedido por CAROLINA SERRODÁNIS AL VAREZ, BLANCA
Cargo: Directora Xeral
Data e Hora: 06/02/2019 15:10:37

Sr. presidente do Parlamento de Galicia

OV8: EXCLUSIVO
Verificación: https://sede.xunta.gal/ov8



 Xacobeo 2021

Reunión da Comisión 5ª, Sanidade, Política Social e Emprego

Día: 28.03.2019

Hora: 16:00

Orde do día

2. Preguntas

Reunión da Comisión 5ª, Sanidade, Política Social e Emprego

Día: 28.03.2019

Hora: 16:00

Orde do día

2.1 46792(10/POC-007445)

Grupo Parlamentario de En Marea

Vázquez Verao, Paula e Villares Naveira, Luis

Sobre a valoración da Xunta de Galicia respecto dos resultados do Plan para a dinamización demográfica de Galicia 2013-2016, as razóns da demora e o prazo previsto para a presentación do proxecto de lei anunciado para o seu impulso, así como as actuacións que vai levar a cabo ao respecto

Publicación da iniciativa, 442, 07.03.2019



PARLAMENTO DE GALICIA
REXISTRO XERAL ENTRADA
Data asento: 25/02/2019 10:45:09
Nº Rexistro: 46792
Data envío: 25/02/2019 10:45:09.613



Á MESA DO PARLAMENTO

Paula Vázquez Verao e **Luís Villares Naveira**, deputada e deputado pertencentes ao **Grupo Parlamentario de En Marea**, ao abeiro do disposto no artigo 156 do Regulamento da Cámara, presentan a seguinte **Pregunta** para a súa resposta oral na **Comisión 5.ª**.

O proceso de cambio demográfico é un fenómeno complexo e multifactorial.

Para atallar o “problema demográfico” galego –tendo moi en conta a complexidade de factores e condicionantes que motivan a realidade demográfica do País- a Xunta de Galicia debe mudar radicalmente o seu papel, pasando de ser un axente que contribúe a reforzar as dinámicas históricas que nos levan á caída poboacional e á desvertebración territorial a ser un elemento activo que poña todos os seus recursos e capacidades ao servizo dun modelo de País cun bo equilibrio territorial e con capacidade para xerar benestar para a maioría social. Aínda así, non é realista pensar que se poden revertir de xeito radical procesos históricos complexos, polo que o fundamental é adaptar ás necesidades sociais actuais as políticas públicas, garantindo servizos a toda a poboación.

A Xunta de Galiza impulsou, na Xª Lexislatura, o Observatorio Demográfico Galego de cara a propoñer medidas contra o devalo demográfico, tendo a Xunta manifestado que o obxectivo é propoñer unha Lei de Impulso Demográfico antes de finais do ano 2018, cuestión non cumprida.

Non se trata de perseguir a “recuperación demográfica” como fin en sí mesmo, senón de garantir o benestar para a poboación.

CSM-A726Jue5
Verificación
<https://sede.parlamentodegalicia.gal/ramitas/csv/>





En 2018, segundo datos do IGE, a poboación galega situouse en 2.701.743 persoas, representando o 5,78% da poboación española, tendo 344.170 menos de 16 anos, 1.684.643 entre 16 e 64, e 672.930 máis de 64 anos, o 24,9% do total.

A moderna historia demográfica de Galicia vén determinada polo fenómeno da intensa emigración ao longo de varios períodos, que ten provocado unha perda de peso poboacional respecto ao resto do Estado, moi especialmente de poboación activa. Así, a poboación galega medrou un 37% entre 1900 e 2017, mentres que a española o fixo nun 150%. Así e todo, o devalo demográfico galego entra nunha fase aguda en 2010, punto no que o menor crecemento dá paso a un manifesto decrecemento. De feito, si contamos a partir dese punto de inflexión e ata 2017, mentres o conxunto da poboación española caeu un 0,9% a galega fíxoo nun 3,2% situándonos no grupo das comunidades con peor evolución demográfica do Estado.

A dinámica demográfica é o resultante do movemento natural da poboación e dos movementos migratorios. En canto ao primeiro, Galicia é a comunidade co peor saldo vexetativo do Estado, de modo que a diferenza entre nacementos e defuncións arroxou un saldo negativo de 12.692 efectivos en 2016; no primeiro semestre de 2018, o saldo vexetativo negativo foi de 9.135 persoas, á cabeza do Estado. Este resultado é a consecuencia dunha estrutura poboacional cun escaso peso dos grupos de idade potencialmente fértiles, fronte a un elevado peso dos grupos de persoas de idade máis avanzada.

O grupo de poboación con maior incidencia nas taxas de fertilidade, aquel comprendido entre os 25 e os 39 anos, foi medrando de modo progresivo ate acadar o seu máximo en 2008, con 642.690 persoas. A partir deste punto comeza un acentuado declive, consecuencia tanto da redución de efectivos a consecuencia da caída da natalidade en xeracións anteriores como, sobre todo, da emigración de persoas mozas a causa da ausencia de suficientes oportunidades en Galiza. O resultado é que a fertilidade galega se atopa, con 1,1 fillos por muller,





entre as máis baixas do planeta, estando a idade media de acceso á maternidade en 32,6 anos (2016).

O envellecemento demográfico é un fenómeno global e, particularmente, común a toda Europa, pero en Galicia preséntanse elementos que fan necesario o deseño de políticas estruturais que afronten o reto de vivir máis vivindo mellor e o reto da conciliación e os usos do tempo:

- Sobreenvellecemento, moi acusado en zonas de Montaña e do interior rural.

A taxa de envellecemento é a segunda máis elevada do Estado, cun índice de 192,5 en 2017 (é dicir, existen 192,5 persoas maiores de 65 anos por cada 100 menores de 15; unha proporción que se aproxima a 2 persoas adultas maiores por cada persoa moza).

- Gran diverxencia territorial costa-interior e mantemento dun modelo territorial e económico que non corrixe estas dinámicas.
- Feminización da vellez.
- Alta taxa de dependencia e discapacidade.

O cambio demográfico conleva outro tipo de transformacións, a nivel social, económico e de valores.

Entre os factores que condicionan unha menor natalidade, existen elementos que son indicativos de progreso social –maior lonxevidade en todas as capas sociais, universalización dos métodos anticonceptivos- e outros que teñen que ver con dificultades estruturais da economía galega, que impiden ás mulleres e familias ter a descendencia que desexan ter.

Por unha parte, existe unha prolongación da etapa autoconsiderada como “mocidade”, e un retraso na emancipación residencial, así como un adiamento da idade de fecundidade, condicionada polo elevado prezo dos alugueiros e a





precariedade do mercado laboral, que se agrava no caso das mulleres, que ocupan os empregos menos remunerados e de peor calidade (maior taxa de temporalidade e presenza maioritaria no sector servizos).

A falta dun sistema integral de atención a persoas menores e dependentes conleva unha enorme ocupación nestas tarefas por parte das persoas en idade produtiva e reprodutiva, sobre todo por parte das mulleres de mediana idade. A maioría das persoas coidadoras (72,7%) pertencen ao propio fogar.

A saída da crise a nivel macro non se traslada á economía da maioría social, de xeito que persiste unha alta porcentaxe de persoas en risco de pobreza, o que se agrava no caso das familias con menores a cargo, especialmente se son familias monomarentais.

A situación socioeconómica descrita é un factor de expulsión de poboación cara a emigración.

As proxeccións realizadas indican que a poboación galega (se nada cambia) pasará de 2.720.668 habitantes en 2016 a 2.489.947 en 2031, unha perda do 8,5% da poboación, 230.721 efectivos menos. E, se ben todas as provincias perderán poboación, a situación será particularmente grave en Lugo e Ourense, que perderán en torno ao 12% dos habitantes, producíndose un baleirado de extensas áreas.

O obxectivo principal do Plan para a Dinamización Demográfica de Galicia 2013-2016, horizonte 2020, era “promover a dinamización demográfica de Galicia logrando ascender posicións no ranquin das 303 rexións europeas relativo ao índice sintético de fecundidade, camiñando cara ao obxectivo de aumentar a media de 1,08 fillos/as por muller que se rexistra en Galicia ata achegarse á media europea situada en 1,59 fillos/as por muller.” A media de fillos/as por muller foi de 1,13 no 2016, ano de conclusión do citado Plan.





Polo anteriormente exposto, a deputada e o deputado que subscriben formulan a seguinte Pregunta para a súa resposta oral na Comisión 5.^a


- Como valora a Xunta o fracaso do Plan para a Dinamización Demográfica de Galicia 2013-2016?
- Cando vai a Xunta presentar o prometido proxecto de lei de impulso demográfico? Vai fomentar o debate social sobre a cuestión? A que se debe a tardanza na presentación do proxecto de lei?
- Que valoración fai a Xunta sobre a enorme precariedade laboral en relación coa situación demográfica galega? Vai a Xunta reaccionar?
- Cando vai planificar a universalización do ensino 1-3 anos?
- Que vai facer a Xunta para posibilitar o retorno da mocidade emigrada?
- Que medidas vai aplicar a Xunta ante a insuficiencia da rede pública de atención a persoas maiores e dependentes?
- Ten a Xunta algún plan específico para as zonas de Montaña galegas?
- Atopa relación a Xunta entre a expansión de monocultivos forestais de crecemento rápido e o despoboamento?

Santiago de Compostela, 25 de febreiro de 2019.

Asdo.: Paula Vázquez Verao

Luís Villares Naveira

Deputada e deputado do G.P. de En Marea.





PARLAMENTO DE GALICIA
REGISTRO XERAL ENTRADA
Data asento: 25/02/2019 10:45:09
Nº Registro: 46792
Data envío: 25/02/2019 10:45:09.613



Asinado dixitalmente por:

Paula Vázquez Veroa na data 25/02/2019 10:41:34

Luis Villares Naveira na data 25/02/2019 10:41:43

CSX: 1172K1ud5
Verificado
<https://seceda.parlamentodegalicia.gal/tramites/csv/>



Reunión da Comisión 5ª, Sanidade, Política Social e Emprego

Día: 28.03.2019

Hora: 16:00

Orde do día

2.2 47292(10/POC-007511)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as actuacións levadas a cabo e previstas polo Goberno galego para evitar a deterioración ou supresión do servizo público de axuda no fogar no concello de Forcarei, así como o seguimento e as inspeccións realizadas ao respecto

Publicación da iniciativa, 444, 13.03.2019



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/03/2019 13:09:48
Nº Rexistro: 47292
Data envío: 05/03/2019 13:09:48.420

Á Mesa do Parlamento

Montserrat Prado Cores, Luis Bará Torres, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta oral na Comisión 5ª**, relativa ás medidas a tomar para garantir a continuidade do servizo de axuda no fogar no concello de Forcarei.

Estes días estamos a ver como no concello de Forcarei se manifestan as 18 traballadoras do servizo de axuda no fogar, reclamando a continuidade dun servizo público esencial que ven ameazado de peche.

Esta problemática arranca no ano 2016, cando se permitiu ao xerente de Servizos Sociais á Comunidade SL, Nonito Crespo, marchar sen cumprir o contrato, con débedas ás traballadoras e sen unha soa penalización a través do prego de contratación. Permitted así mesmo que marchara coa fianza do 5% sobre o valor total do contrato deixando débedas con traballadoras e seguridade social.

No ano 2016, tras meses de tardanzas nos cobros por parte das traballadoras adxudicouse de novo o servizo a Serinter SI, empresa á que as débedas herdadas da anterior concesionaria levaron a unha situación de inviabilidade económica, de novo cunha alcaldía que non fixo ningunha labor de control administrativo, deixando ás traballadoras indefensas e sen cobrar de novo.

Esta empresa, á finalización do contrato en Agosto de 2018 solicitou a finalización da concesión, retendo a alcaldía incomprensiblemente a unha empresa en





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/03/2019 13:09:48
Nº Rexistro: 47292
Data envío: 05/03/2019 13:09:48.420

quebra técnica, en concurso de acredores até Novembro, onde grazas á presión do BNG e traballadoras se licita de novo o servizo.

Son meses de atrasos inxustificábeis, tan só explicábeis dende a inoperancia do Goberno municipal de Forcarei e que fan que a Asociación de Empresarios de Servizos Sociais e Axuda a Domicilio de Galiza puxera en aviso @s seus/súas asociad@s da situación do concello.

Todas estas actuacións van en contra e supón o incumprimento do protocolo da inspección de servizos sociais sobre as entidades prestadoras de servizos sociais que desenvolven o servizo de axuda no fogar en Galiza, da propia Xunta de Galicia (2012) onde, entre outros extremos a comprobar nos cumprimentos empresariais, se debe esixir os TC2, contratos, substitucións de baixas etc..., o que, obviamente, non se fixo no concello de Forcarei.

Esta mala fe nas actuacións, este desastre organizativo, así como a inseguridade financeira fixo que en novembro á licitación só se presentara unha empresa, renunciando a formalizar o contrato tras comprobar a débeda.

É polo tanto a situación actual preocupante en Forcarei, cunhas traballadoras suxeitas a un ERE que se fará efectivo antes do día 15 de Marzo e sen empresa que queira asumir o servizo, cun concello que non quere asumir a xestión directa.

É unha quebra técnica do servizo de axuda no fogar en Forcarei, que vai deixar dependentes sen atención pola incapacidade da alcaldía para asumir un servizo obrigatorio e esencial por lei.

A asistencia aos servizos sociais é unha obriga da administración autonómica cedida aos concellos de Galicia, pero que é básica e de obrigada prestación.

CSX4:MLP7:TxqAT8
Validador:
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
ep-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA

REGISTRO XERAL ENTRADA

Data asento: 05/03/2019 13:09:48

Nº Registro: 47292

Data envío: 05/03/2019 13:09:48.420

A lei 27/2013 de 27 de Decembro de Racionalización e sostibilidade da administración local modifica o apartado 2 do artigo 25 da lei de Bases do Réxime local, atribuíndolle aos concellos a “avaliación e información de situacións de necesidade social e a atención inmediata a persoas en situación ou risco de exclusión social.”

A maiores abunda a lei 13/2008 do 3 de decembro, de servizos sociais de Galicia nesta obrigatoriedade de prestación polos concellos de Galicia, establecendo no capítulo II, competencias das administracións públicas, artigo 61 a atribución aos concellos da “creación, a xestión e o mantemento dos servizos sociais comunitarios básicos”, polo que a NON prestación do servizo por parte do concello é contrario á obrigatoriedade normativa, debendo en caso necesario solicitar a dispensa do mesmo.

Por todo o exposto fórmulanse as seguintes preguntas para resposta oral na Comisión 5ª:

-Que actuacións ten realizado o Goberno galego para evitar que @s veciñ@s de Forcarei vexan deteriorado o servizo de axuda no fogar ou queden sen el?

-Cales vai realizar para esixirlle ao concello de Forcarei a prestación do servizo de axuda no fogar, que como básica ten a obriga de prestar, sen que signifique ningún empeoramento no servizo que veñen recibindo, e coa subrogación do persoal que o ven prestando até agora?

-Ten solicitado a dispensa solicitada o concello de Forcarei de prestar o servizo? De ser así en que data? E cal foi a contestación da Xunta?

CSX4 MUF7 XqAT8
Verificación:
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 05/03/2019 13:09:48
Nº Registro: 47292
Data envío: 05/03/2019 13:09:48.420

-Que seguimento e fiscalización das empresas e do concello de Forcarei ten realizado a Xunta de Galiza para facer seguimento da prestación do servizo do fogar?

-Que inspeccións ten realizadas ?

-Ten aberto algún expediente sancionador?

-Ten imposto algunha sanción?

Santiago de Compostela, 5 de marzo de 2019

Asdo.: **Montserrat Prado Cores**

Luis Bará Torres

Noa Presas Bergantiños

Olalla Rodil Fernández

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

María Montserrat Prado Cores na data 05/03/2019 13:05:41

Ana Pontón Mondelo na data 05/03/2019 13:05:45

CSX: MUF7XqAT8
Verificador:
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 05/03/2019 13:09:48
Nº Rexistro: 47292
Data envío: 05/03/2019 13:09:48.420

Xose Luis Rivas Cruz na data 05/03/2019 13:05:47

Olalla Rodil Fernández na data 05/03/2019 13:05:48

Noa Presas Bergantiños na data 05/03/2019 13:05:50

Xosé Luis Bará Torres na data 05/03/2019 13:05:52

CSX4:1U1F7:TxqAT8
Verificación:
<https://seecta.parlamentodegalicia.gal/tramites/csv/>



Reunión da Comisión 5ª, Sanidade, Política Social e Emprego

Día: 28.03.2019

Hora: 16:00

Orde do día

2.3 47350(10/POC-007524)

Grupo Parlamentario dos Socialistas de Galicia

Toja Suárez, María Dolores e 2 máis

Sobre as razóns da idoneidade do concello de Malpica, fronte a outros concellos como o de Camariñas e Corcubión, para o posible asinamento polo Goberno galego dun convenio de colaboración para a construción dun centro de día, así como as actuacións que vai levar a cabo para facilitar a apertura do centro rematado no concello de Corcubión

Publicación da iniciativa, 444, 13.03.2019



Á Mesa do Parlamento

María Dolores Toja Suárez, Noela Blanco Rodríguez e Julio Torrado Quintela, deputadas e deputado pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta oral na Comisión 5ª.

Corcubión conta cun edificio rehabilitado para o seu uso como centro de día cunha capacidade para 25 persoas aproximadamente. A súa radicación é inmellorable porque está no centro da localidade contando cunha correctísima accesibilidade e proximidade ao centro de saúde da vila, así como o hospital de Cee a tan só 1,5 km.

Desde o Concello, que leva investido no edificio en torno aos 300.000 euros, e desde este grupo parlamentario foron varias as ocasións nas que se solicitou ao Goberno un convenio para poñelo en funcionamento. Inexplicablemente a resposta da Xunta sempre foi negativa, indicando a existencia dun centro de día en Cabana e outro en Muros, ambos a unha distancia de aproximadamente 45 km, e con tempos de desprazamento de entre 50 minutos e unha hora e dez minutos, ao que lle hai que engadir o tempo de volta.

Tamén a Camariñas Ile foi rexeitado o apoio de financiamento conxunto por parte do Goberno galego cando solicitou levar a cabo a construción dun centro de día, ante a necesidade evidente, xa que a poboación camariñesa está moi envellecida. Ante a negativa, o Goberno local, buscou apoios no ente provincial. A resposta novamente remitiuse á dispoñibilidade existente noutros centros de día na Comarca.

Sorprende, enormemente, que a dous meses das eleccións municipais a conselleira de Política Social anuncie a posta en marcha dun convenio de colaboración para poñer en marcha un centro de día no Concello de Malpica, localizado a 22 quilómetros do de Cabana.

Resulta, cando menos, preocupante, que a Xunta denegue a colaboración aos concellos de Corcubión e Camariñas, indicando alternativas a case 50 km, e en cambio as ofrezca a Malpica a tan só 22 km. Por outro lado, hai que recordar que nunha resposta escrita a este grupo parlamentario cando se solicitou a posta en marcha do centro de día de Corcubión o Goberno sempre indicou que as necesidades estaban cubertas.





PARLAMENTO DE GALICIA
REXISTRO XERAL ENTRADA
Data asento: 06/03/2019 12:28:25
Nº Rexistro: 47350
Data envío: 06/03/2019 12:28:25.644

Isto lévanos a pensar que lonxe de valorar e sopesar a realidade social das comarcas, e as necesidades dos galegos e galegas, a decisión vén motivada unicamente por criterios políticos e partidistas, facendo unha vez máis un uso indebido dos fondos e recursos públicos, e prexudicando gravemente a aqueles concellos nos que non goberna o PP.

Por todo isto, as deputadas e o deputado que asinan formulan as seguintes preguntas:

1ª) Cales son os motivos polos que Malpica é idóneo para poder asinar un convenio de colaboración entre o Goberno galego e o Concello, para a posta en funcionamento dun centro de día?

2ª) Cales son os motivos polos que Corcubión, cun centro de día construído, non é idóneo para poder asinar un convenio de colaboración entre o Goberno galego e o Concello, para a posta en funcionamento dun centro de día?

3ª) Cales son os motivos polos que Camariñas non é idóneo para poder asinar un convenio de colaboración entre o Goberno galego e o Concello para a posta en funcionamento dun centro de día?

4ª) Que actuacións vai levar a cabo o Goberno galego cos concellos de Corcubión e Camariñas, para facilitar a apertura no caso de Corcubión do centro de día xa construído?

5ª) Parécelle que discriminando aos concellos nos que non goberna o PP se fai un uso axeitado dos recursos públicos?


Pazo do Parlamento, 5 de marzo de 2019

Asinado dixitalmente por:

María Dolores Toja Suárez na data 06/03/2019 12:22:38

Noela Blanco Rodríguez na data 06/03/2019 12:22:50

Julio Torrado Quintela na data 06/03/2019 12:22:56



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es